



vischnaunca da
sumvitg



Lescha da taglia

900.000

C u n t e g n

I. Disposiziuns generalas	3
Art. 1 Object	3
Art. 2 Dretg subsidiar	3
 II. Dretg material	 3
 Taglia sin las entradas e sin la facultad	 3
Art. 3 Pei da taglia	3
 Taglia sin midada da maun	 3
Art. 4 Tariffa da taglia	3
 Taglia sin schischom	 4
Art. 5 Tariffa da taglia	4
 Taglia d'ierta e sin donaziuns	 4
Art. 6 Tariffa da taglia	4
 Taglia da tgauns	 4
Art. 7 Object da taglia	4
Art. 8 Subject da taglia	4
Art. 9 Deliberaziun da taglia	4
Art. 10 Calculaziun dalla taglia	4
 III. Dretg formal	 5
 Autoritads	 5
Art. 11 Suprastonza communal	5
Art. 12 Uffeci communal da taglia	5
Art. 13 Ulteriuras autoritads	5
 Incassament	 5
Art. 14 Scadenza	5
Art. 15 Termin da pagament	6
Art. 16 Relasch ed amortisaziun administrativa da taglia	6
 Indemnisaziun	 6
Art. 17 Indemnisaziun per incassament	6
 IV. Disposiziuns finalas	 6
Art. 18 Entrada en vigur	6

I. Disposiziuns generalas

Art. 1 Object

¹ La vischnaunca da Sumvitg impona las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia sin gudogn entras la vendita da schischom;
- c) ina taglia supplementara ed ina taglia penala sco era multas disciplinaras;
- d) ina taglia sin midada da maun;
- e) ina taglia sin schischom;
- f) ina taglia d'ierta e sin donaziuns.

² La vischnaunca da Sumvitg impona las suandontas taglias tenor questa lescha:

- a) ina taglia da tgauns.

³ La vischnaunca da Sumvitg impona plinavon las suandontas taglias tenor la legislaziun speciala:

- a) ina taxa da cura;
- b) ina taxa per promover il turissem.

Art. 2 Dretg subsidiar

Aschilunsch che questa lescha cuntegn negina regulaziun, vegnan las disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia applicadas conform al senn.

II. Dretg material

Taglia sin las entradas e sin la facultad

Art. 3 Pei da taglia

¹ La taglia sin las entradas e sin la facultad vegn imponida en ina procentuala dalla taglia cantunala sempla.

² La radunanza communalia fixescha sil pli tard il december il pei da taglia per igl onn fiscal suandont.

Taglia sin midada da maun

Art. 4 Tariffa da taglia

La taglia sin midada da maun importa 2 %.

Taglia sin schischom

Art. 5 Tariffa da taglia

¹ La taglia sin schischom importa maximal 2 promils.

² La radunanza communal fixescha sil pli tard il december il pei da taglia per igl onn fiscal suandont.

Taglia d'ierta e sin donaziuns

Art. 6 Tariffa da taglia

¹ La taglia d'ierta e sin donaziuns importa:

- a) per il tschep dils geniturs 5 %;
- b) per il tschep da tat e tatta 10 %;
- c) per las ulteriuras persunas benefiziadas 15 %.

Taglia da tgauns

Art. 7 Object da taglia

Per mintga tgaun ch'ei pli vegls che treis meins e che vegn tenius sin territori communal ei da pagar ina taglia.

Art. 8 Subject da taglia

Obligaus da pagar taglia ei il possessur dil tgaun. Il possessur ei obligaus d'annunziar siu animal alla vischnaunca enteifer 30 dis.

Art. 9 Deliberaziun da taglia

Deliberai da pagar la taglia da tgauns ein possessurs da suandontas specias da tgauns:

- a) tgauns da polizia;
- b) tgauns da lavina;
- c) tgauns per tschocs e suords.

Art. 10 Calculaziun dalla taglia

¹ La taglia importa pigl emprem tgaun 75.-- francs, per mintg'ulteriur tgaun ella medema casada 200.-- francs per onn. La suprastanza communal ei cumpetenta d'adattar quellas tariffas alla carischia.

² Sch'il tgaun vegn buca tenius duront igl entir onn sil territori communal, vegn la taglia debitada mo pro rata, denton silmeins per treis meins.

³ La taxaziun e facturaziun succeda annualmein.

III. Dretg formal

Autoritads

Art. 11 Suprastonza communal

La suprastonza communal decida:

- a) davart damondas da levgiament fiscal;
- b) davart la participaziun a cunvegnas da dretg vicendeivel dil cantun en caussas da taglia sin l'ierta e sin donaziuns.

Art. 12 Uffeci communal da taglia

¹ L'execuziun da questa lescha ei caussa digl uffeci communal da taglia, aschilunsch che la vischnaunca ei cumpetenta persuenter.

² Igl uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnauncas.

³ La vischnaunca sa delegar a tiarzas persunas sias incumbensas tenor las alineas 1 e 2.

Art. 13 Ulteriuras autoritads

¹ La taglia sin entradas e sin la facultad sco era la taglia sin schischom che vegn incassada ensemens cun quella san vegrir taxadas entras in'allianza da taglia.

² La vischnaunca da Sumvitg sa delegar ad in'allianza da taglia la taxaziun d'ulteriuras taglias, e quei encunter ina indemnisiun.

Incassament

Art. 14 Scadenza

¹ Las taglias sin entradas e sin facultad scadan cun la consegna dil quen da taglia provisori ni cun la taxaziun da taglia.

² La scadenza dalla taglia sin schischom sedrezza tenor las taglias directas, sch'ella vegn incassada ensemens cun quellas.

³ La scadenza dalla taglia sil gudogn entras la vendita da schischom sco era dalla taglia d'ierta e sin donaziuns sedrezza tenor il dretg cantunal.

⁴ Las ulteriuras taglias sco era las multas disciplinarias scadan cun la facturaziun.

⁵ Alla fin dall'obligaziun da pagar taglia en Svizra ni cun la declaraziun da concuors scada mintga taglia ni mintga multa immediatamein.

Art. 15 Termin da pagament

¹ Cun resalva dad alinea 2 ein las taglias e las multas disciplinarias da pagar enteifer 90 dis dapi la scadenza.

² Il termin da pagament dalla taglia sin il gudogn entrais la vendita da schischom sco era dalla taglia d'ierta e sin donaziuns sedrezza tenor il dretg cantunal.

³ La taglia sin schischom incassada separadamein ei da pagar enteifer 30 dis dapi sia scadenza.

⁴ Il termin da pagament dallas taglias tenor la legislaziun speciala sebasond sin art. 1 al. 3 da questa lescha sedrezza tenor la corrispondenta legislaziun speciala.

⁵ Per las taglias sin las entradas e sin la facultad sco era per la taglia sin schischom incassada ensemes cun quellas sa la suprastonza communala decider in pagament en ratas per igl onn che suonda gl'onn fiscal.

⁶ Alla fin dall'obligaziun da pagar taglia en Svizra ni a caschun dalla declaraziun da concuors ei mintga taglia ni mintga multa da pagar immediatamein.

Art. 16 Relasch ed amortisaziun administrativa da taglia

Davart damondas da relasch ed amortisaziuns administrativas decidan:

- gl'uffeci communal da taglia entochen gl'import da 1'000 francs per onn e per cass;
- la suprastonza communala per ils imports che survargan la summa suramenziunada.

Indemnisaziun

Art. 17 Indemnisaziun per incassament

La vischnaunca da Sumvitg vegn indemnizada dallas baselgias cantunalas e dallas pleivs cun 2 % dallas taglias incassadas.

IV. Disposiziuns finalas

Art. 18 Entrada en vigur

¹ La lescha ei vegnida acceptada ils 28 d'avrel 2008 dalla radunanza communalala. Ella entra en vigur ils 1 da schaner 2009 e remplazza la lescha da taglia communalala dils 1 da schaner 2002.

² Cun l'entrada en vigur da questa lescha ein tut las disposiziuns dalla vischnaunca che stattan en cuntradicziun cun ella abrogadas.

³ L'emprema revisiun da questa lescha ei vegnida approbada entrais la radunanza communalala dils 17 da december 2020 e passa en vigur ils 1 da schaner 2021.

Il president communal

sig. Armin Candinas

Igl actuar communal

sig. Fabian Collenberg

Approbau dalla Regenza dil cantun Grischun tenor conclus dils 2 da fevrer 2021 (protocol nr. 98/2021).

En num dalla Regenza

Il president

sig. dr. Mario Cavigelli

Il cancelier

sig. Daniel Spadin